



Na osnovu člana 14. Zakona o sistemu indirektnog oporezivanja u Bosni i Hercegovini („Službeni glasnik BiH“ br. 44/03, 52/04, 34/07 i 4/08) i člana 21. Zakona o akcizama u Bosni i Hercegovini („Službeni glasnik BiH“ br. 49/09) Upravni odbor Uprave za indirektno oporezivanje, na sjednici održanoj 23.09.2010. godine, donio je

ODLUKU
o utvrđivanju posebne i minimalne akcize na cigarete

Član 1.

Ovom Odlukom utvrđuje se iznos posebne i minimalne akcize na cigarete koja će se primjenjivati od 01.01. 2011. godine.

Član 2.

- (1) Od 01.01.2011. godine, na cigarete se plaća akciza i to:
 - (a) proporcionalna akciza po stopi od 42% na osnovicu utvrđenu u skladu sa članom 15. stav (1) tačka b) Zakona i
 - (b) posebna akciza u iznosu od 22,50 KM za 1.000 komada, odnosno 0,45 KM za pakiranje od 20 komada,
- (2) Za pakiranja različita od pakiranja navedena u stavu (1) pod b) ovog člana, posebna akciza plaća se srazmjerno broju komada u pakiranju.

Član 3.

- (1) U skladu sa članom 21. stav 5) Zakona, prema evidenciji o izdanim akciznim markicama Uprave za indirektno oporezivanje, najpopularnija cjenovna kategorija cigareta u razdoblju 01.07.2009.-30.06.2010. godine su cigarete čija je maloprodajna cijena iznosila 1,50 KM za pakiranje od 20 komada.
- (2) Minimalna akciza se utvrđuje primjenom strukture akcize iz člana 2. ove Odluke, uz zadržavanje iste cijene prije oporezivanja najpopularnije cjenovne kategorije iz stava (1) ovog člana.
- (3) Primjenjujući metodologiju iz stava (2) ovog člana utvrđuje se minimalna akciza u iznosu od 54,00 KM za 1000 komada, odnosno 1,08 KM za pakiranja cigareta od 20 komada.
- (4) Za pakiranja različita od pakiranja cigareta od 20 komada, minimalna akciza plaća se srazmjerno broju komada u pakiranju.
- (5) Minimalna akciza utvrđena u stavu (3) ovog člana primjenjuje se od 01.01. 2011. godine.
- (6) Ukoliko je ukupna akciza na cigarete koja je obračunata po stopama iz člana 2. stav (1) ove Odluke manja od minimalne akcize iz stava (3) ovog člana plaća se minimalna akciza iz stava (3) ovog člana.


Član 4.

- (1) Porezni obveznici i druge osobe koje se bave prometom cigareta dužni su popisati zalihe cigareta na dan 01.01.2011. godine, obilježene akciznim markicama izdanim od 01.01.do 31.12.2010. godine i popisne liste dostaviti nadležnom regionalnom centru do 10.01.2011.godine.
- (2) Popisne liste iz stava (1) ovog člana, pored naziva obveznika ili druge osobe koja se bavi prometom cigareta i ID broja, treba da sadrže i sljedeće podatke:
 - a) vrsta cigareta,
 - b) količina (broja paklica),
 - c) maloprodajna cijena prijavljena UIO prije stupanja na snagu ove Odluke,
 - d) maloprodajna vrijednost (bxc),
 - e) iznos proporcionalne akcize iskazane prema članu 2. stav (1) tačka a) Odluke o utvrđivanju posebne i minimalne akcize na cigarete („Službeni glasnik BiH“ broj: 91/09), (dx42%),
 - f) iznos posebne akcize iskazane prema članu 2. stav (1) tačka b) Odluke o utvrđivanju posebne i minimalne akcize na cigarete („Službeni glasnik BiH“ broj: 91/09), (bx 0,30 KM)
 - g) ukupni iznos akcize obračunate prema članu 2. stav (1) Odluke o utvrđivanju posebne i minimalne akcize na cigarete („Službeni glasnik BiH“ broj“ broj: 91/09), (e+f),
 - h) maloprodajna cijena prijavljena UIO nakon stupanja na snagu ove Odluke,
 - i) maloprodajna vrijednost (bxh),
 - j) iznos proporcionalne akcize iskazane prema članu 2. stav (1) tačka a) ove Odluke o utvrđivanju posebne i minimalne akcize na cigarete (ix42%),
 - k) iznos posebne akcize u skladu sa članom 2. stav (1) tačka b) ove odluke (bx 0,45KM),
 - l) ukupni iznos akcize obračunate prema članu 2. ove Odluke (j+k),
 - m) iznos razlike akcize za uplatu (l-g).
- (3) Ukoliko je zbir proporcionalne akcize i posebne akcize iz stava (2) tačka l) ovog člana manji od iznosa minimalne akcize iz člana 3. stav (3) ove Odluke, ukupni iznos akcize iz stava (2) tačke l) ovog člana treba biti jednak iznosu minimalne akcize.
- (4) Količina iz stava (2) tačka b) ovog člana upisuje se kao broj pakiranja cigareta od 20 komada.
- (5) Za pakiranja različita iz stava (4) ovog člana količina se utvrđuje u srazmjeri prema pakiranju iz stava (4) ovog člana.
- (6) Porezni obveznici i druge osobe koje se bave prometom cigareta dužni su na zatečene zalihe cigareta utvrđene u popisnim listama iz stava (1) ovog člana obračunati akcizu prema članu 2. stav (1) i 3. ove Odluke, te do 10.01.2011. godine uplatiti razliku između obračunate i već uplaćene akcize, na Jedinstveni račun UIO.
- (7) Pri uvozu duhanskih prerađevina koje su obilježene akciznim markicama izdanim u razdoblju od 01.01.2010. do 31.12.2010. godine (datum izdavanja vidljiv u otpremnici za akcizne markice), nadležni carinski organ vrši obračun i naplatu razlike akcize na način da se iznos akcize obračunate u skladu sa članom 2. stav (1) i 3. ove Odluke, umanjuje za iznos obračunate i uplaćene akcize prema Odluci o utvrđivanju posebne i minimalne akcize na cigarete („Službeni glasnik BiH“ broj: 91/09).
- (8) Kalkulaciju maloprodajne cijene formiranu u skladu sa ovom Odlukom, porezni obveznici dužni su dostaviti UIO do 30.11.2010. godine.
- (9) Duhanske prerađevine za koje je plaćena razlika akcize u skladu sa stavom (6) i (7) ovog člana, prodat će se po novim maloprodajnim cijenama, koje moraju biti istaknute na vidnom mjestu maloprodajnog objekta.

Član 5.

- (1) Ova Odluka stupa na snagu osmog dana od dana objavljivanja u „Službenom glasniku BiH“, a primjenjuje se od 01.01.2011. godine.
- (2) Danom početka primjene ove Odluke, prestaje da važi Odluka o utvrđivanju posebne i minimalne akcize na cigarete („Službeni glasnik BiH“ broj: 91/09).

Broj: UO 2309/126/10
23.09.2010. godine



Predsjednik
Upravnog odbora
Dragan Frankić, s. r.